



JAVNA USTANOVA
DOM ZDRAVLJA
ZAVIDOVIĆI

Gazi Husrev-begova 25

tel.(032)878-877

fax (032)879-088

e-mail: polikzav@bih.net.ba

web : www.dzzavidovici.ba

Identifikacioni broj: 4218122690008

PDV broj: 218122690008

Žiro računi : ASA Banka d.d. Sarajevo : 134030000007482

Raiffeisen bank d.d. BiH Sarajevo – filijala Zenica : 1610550009120069

UPRAVNI ODBOR

Broj:01-1.05-697/24

Datum:20.02.2024. godine

Na osnovu člana 69. stav 1. tačka b) i stava 2. tačka d), a u vezi sa članom 70. stav 4. Zakona o javnim nabavkama BiH („Službeni glasnik BiH“, broj 39/14 i 59/22), te člana 38. Statuta JU «Dom zdravlja» Zavidovići, Upravni odbor JU «Dom zdravlja» Zavidovići, na svojoj 63. sjednici održanoj dana 20.02.2024. godine, donosi

O D L U K U

o poništenju postupka javne nabavke

Član 1.

PONIŠTAVA se postupak javne nabavke broj: **01-2.12-157/24 i 01-2.12-307/24** za nabavku **materijala za stomatologiju – LOT 1 - Materijali za zubne ispune** za JU «Dom zdravlja» Zavidovići za 12 mjeseci, iz razloga što nijedna od primljenih ponuda nije prihvatljiva.

Član 2.

Ova odluka stupa na snagu danom donošenja.

Obrazloženje

Obavještenjem o nabavci br. **638-7-1-35-3-36/24 i 638-7-1-35-8-44/24**, objavljeno na portalu javnih nabavki dana **25.01.2024. godine i 31.01.2024. godine** i u „Službenom glasniku BiH“, broj: **6 od 26.01.2024. godine** i broj: **8 od 2.2.2024. godine**, pokrenut je konkurentski zahtjev za dostavljanje ponuda za nabavku materijala za stomatologiju za JU «Dom zdravlja» Zavidovići za 12 mjeseci – LOT 1 - materijal za zubne ispune.

Tendersku dokumentaciju za predmetnu nabavku sa portala javnih nabavki preuzelo je 8 ponuđača i to: BBS EUROPE, EKAPIJA DOO, SANITARIA DENTAL D.O.O.,

TOTALDENT, DENTAL GRUPA DOO, KRAJINAGROUP D.O.O. BANJA LUKA, DERBY TRADE D.O.O. i DENTAL MEDIC.

Izmjenu i dopunu tenderske dokumentacije za predmetnu nabavku sa portala javnih nabavki preuzelo je 5 ponuđača i to: EKAPIJA DOO, DENTAL GRUPA DOO, KRAJINAGROUP D.O.O., BBS EUROPE i TOTALDENT.

Na adresu JU "Dom zdravlja" Zavidovići, za LOT 1 - materijal za zubne ispune, dostavljene su 2 ponude i to: Krajinagroup d.o.o. Banja Luka i Dental grupa d.o.o. Sarajevo.

Komisija za javne nabavke (u daljem tekstu: Komisija) izvršila je otvaranje ponuda dana 12.02.2024.godine u Sali za sastanke u JU «Dom zdravlja» Zavidovići u 15,10 sati, kao što je naznačeno u tenderskoj dokumentaciji.

Nakon pregleda dostavljenih ponuda, utvrđeno je da dostavljene ponude nisu prihvatljive.

Ponuda ponuđača KRAJINAGROUP D.O.O. BANJA LUKA, ocijenjena je kao neprihvatljiva iz sljedećih razloga:

U Tenderskoj dokumentaciji br. 01-2.12-157/24 od 25.01.2024. godine i br.01-2.12-307/24 od 31.01.2024. godine u podtački " 2.3. Dokazi koje je dužan dostaviti ponuđač u svrhu dokazivanja tehničke i profesionalne sposobnosti su: " propisani su dokazi koje je ponuđač dužan dostaviti u svrhu dokazivanja tehničke i profesionalne sposobnosti i to:

- a) **Original izjava potpisana od ovlaštenog lica i ovjerena pečatom ponuđača, da je ponuđena roba upisana u registar medicinskih sredstava kod Agencije za lijekove i medicinska sredstva BiH,**
- b) **Izjava ponuđača da artikal ne podliježe obavezi upisa u registar medicinskih sredstava – samo ukoliko roba koju nudi ne podliježe obavezi upisa u registar medicinskih sredstava,**
- c) **Popunjena Tabela 2. za svaki LOT."**

U istoj podtački 2.3. tenderske dokumentacije propisano je i slijedeće:

„U slučaju da se u ponudi uopšte ne dostavi navedena dokumentacija iz podtački 2.1., 2.2. i 2.3. ove tenderske dokumentacije ili se ne dostavi na način kako je to traženo ponuđač će biti isključen iz daljeg učestvovanja u postupku javne nabavke zbog neispunjavanja uvjeta za kvalifikaciju.“

Dalje, u podtački 2.3. tenderske dokumentacije, ispod Tabele 2 za svaki LOT, propisano je slijedeće:

„U slučaju da se u Tabeli 2. nalazi roba koja ne podliježe upisu u registar medicinskih sredstava ponuđač je dužan da u kolonu 3. upiše koji artikal ne podliježe obavezi upisa u registar medicinskih sredstava.“

Uvidom u ponudu ponuđača Krajinagroup d.o.o. Banja Luka, koja je dostavljena 05.02.2024.godine u 08,11 sati i zaprimljena na protokol ugovornog organa pod brojem: 01-2.14-378/24, utvrđeno je da je ponuđač, na ime traženog dokaza: „Izjava ponuđača da artikal ne podliježe obavezi upisa u registar medicinskih sredstava – samo ukoliko roba koju nudi ne podliježe obavezi upisa u registar medicinskih sredstava“ –strana 39. ponude (dokaz pod b) podtačka 2.3.) dostavio izjavu na slijedeći način:

„Ovom izjavom potvrđujemo da je roba iz naše ponude registrovana i ima odobrenje za promet u BIH, izdano od Agencije za lijekove i medicinska sredstva BiH, osim proizvoda koji se uvoze na dozvolu za interventni uvoz ili ne spadaju u grupu medicinskih proizvoda od 01.02.2024. godine“

Dakle, Tenderskom dokumentacijom, broj: 01-2.12-157/24 od 25.01.2024. godine i br.01-2.12-307/24 od 31.01.2024. godine, u tački 2 USLOVI ZA KVALIFIKACIJU I POTREBNI DOKAZI, podtačka 2.3., propisano je da je ponuđač dužan u svrhu dokazivanja tehničke i profesionalne sposobnosti (član 48. i 49. ZJN) dokazati da je medicinsko sredstvo koje ponuđač nudi, odnosno sa kojim prometuje upisano u registar medicinskih sredstava u Bosni i Hercegovini. Izjuzetno – samo ukoliko roba koju nudi ne podliježe obavezi upisa u registar medicinskih sredstava, ponuđač je bio dužan dostaviti kao poseban prilog: „b) Izjava ponuđača da artikal ne podliježe obavezi upisa u registar medicinskih sredstava“. Kako bi se nedvosmisleno moglo utvrditi koji artikal podliježe obavezi upisa u registar medicinskih sredstava, a koji ne podliježe obavezi upisa u registar medicinskih sredstava, ponuđači su bili dužni kao prilog u ponudi dostaviti i: „c) Popunjena Tabela 2. za svaki LOT”.

Ponuđači su bili dužni, kako je to i propisano u tački 2.3. Tenderske dokumentacije u Tabeli 2. za LOT 1 pored svakog artikla upisati broj rješenja/potvrde kojim je određeno medicinsko sredstvo upisano u registar medicinskih sredstava, a u slučaju da se u Tabeli 2. nalazi roba koja ne podliježe upisu u registar medicinskih sredstava ponuđači su bili dužni da u kolonu 3. upišu koji artikal ne podliježe obavezi upisa u registar medicinskih sredstava. Na opisani način, izbjegla bi se mogućnost manipulacija i jasno bi se naznačilo koji su artikli upisani u registar medicinskih sredstava, a koji ne podliježu obavezi upisa u registar medicinskih sredstava.

Uvidom u sadržaj dostavljene izjave i sadržaj tražene izjave po podtački 2.3. tenderske dokumentacije, nedvosmisleno se može utvrditi da ponuđač nije dostavio traženi dokaz u skladu sa zahtjevima iz tenderske dokumentacije.

Naime, sadržajem izjave, koja je tražena tenderskom dokumentacijom jasno je propisano da je ponuđač u svojoj izjavi morao da tačno odredi koja roba ne podliježe obavezi upisa u registar medicinskih sredstava.

Uvidom u izjavu ponuđača od 01.02.2024. godine, koju je dostavio kao dokaz koja robe ne podliježe obavezi upisa u registar medicinskih sredstava, može se utvrditi da istom izjavom ponuđač izjavljuje da je roba iz njihove ponude registrovana i ima odobrenje za promet u BIH, izdano od Agencije za lijekove i medicinska sredstva BiH, osim proizvoda koji se uvoze na dozvolu za interventni uvoz ili ne spadaju u grupu medicinskih proizvoda, **bez navođenja ili određenja koji to ponudeni proizvodi ne podliježu obavezi upisa u registar medicinskih sredstava.**

Dalje u istoj izjavi ponuđač tvrdi i da je roba iz njihove ponude registrovana i ima odobrenje za promet u BIH, izdano od Agencije za lijekove i medicinska sredstva BiH, osim proizvoda koji se uvoze na dozvolu za interventni uvoz.

Interventnim uvozom, u Bosnu i Hercegovinu uvoze se lijekovi koji nemaju odobrenje za promet u BIH, međutim u ovom postupku nabavke nema lijekova, tako se predmetna izjava u tom dijelu ne može odnositi na robu koja je predmet ovog postupka nabavke.

Nakon detaljnog uvida u sadržaj dostavljene izjave koju je ponuđač dostavio kao dokaz (dokaz pod b) podtačka 2.3.) tenderske dokumentacije, utvrđeno je da dokaz nije dostavljen na način kako je to traženo tenderskom dokumentacijom.

Uvidom u ponudu ponuđača **Krajinagroup d.o.o. Banja Luka**, koja je dostavljena **05.02.2024.godine u 08,11 sati** i zaprimljena na protokol ugovornog organa pod brojem: **01-2.14-378/24**, utvrđeno je da ponuđač **Tabelu 2 za LOT 1 nije popunio na način kako je to propisano tenderskom dokumentacijom.**

Naime, uvidom u **Tabelu 2 za LOT 1** na strani 41. i 42 ponude, utvrđeno je da je ponuđač za **artikle „11. Sisaljke a100“, „12. Celuloidne trakice a 100“, „13. Četka mesing za čišćenje borera“ i „20. Jednokratni nastavci za sauger“**, u tabeli u kolonama 3. i 4. gdje je trebao upisati broj potvrde kojim je sredstvo upisano u registar medicinskih sredstava, samo stavio crtice, dakle nije upisao broj rješenja, niti broj stranice iz priloga potvrde na kojoj se nalazi medicinsko sredstvo, a **niti je upisao da predmetni artikli ne podliježu upisu u registar medicinskih sredstava**, kako je traženo tenderskom dokumentacijom, odnosno napomenom ispod svake tabele 2.

Nakon detaljnog uvida u sadržaj dostavljene **Tabelu 2 za LOT 1** koju je ponuđač dostavio kao dokaz (dokaz pod c) podtačka 2.3.) tenderske dokumentacije, utvrđeno je da dokaz nije dostavljen na način kako je to traženo tenderskom dokumentacijom.

Obzirom da je u Tenderskoj dokumentaciji br. **01-2.12-157/24 od 25.01.2024. godine i br.01-2.12-307/24 od 31.01.2024. godine**, u tački 4. PRIPREMA PONUDA, naznačeno da se pri pripremi ponude ponuđač mora pridržavati zahtjeva i uslova iz tenderske dokumentacije, te da je u **podtački 2.3. tenderske dokumentacije propisano:**

„U slučaju da se u ponudi uopšte ne dostavi navedena dokumentacija iz podtački 2.1., 2.2. i 2.3. ove tenderske dokumentacije ili se ne dostavi na način kako je to traženo ponuđač će biti isključen iz daljeg učestvovanja u postupku javne nabavke zbog neispunjavanja uvjeta za kvalifikaciju.“, ugovorni organ dužan je odbaciti ponudu, shodno članu 68. stav 1. i stav 4. tačka i) Zakona o javnim nabavkama, jer je ponuđač dostavio nepotpune dokaze, te predmetna ponuda ponuđača **Krajinagroup d.o.o. Banja Luka** ne ispunjava zahtjeve iz tenderske dokumentacije.

Imajući u vidu izneseno, komisija je utvrdila da **ponuđač Krajinagroup d.o.o. Banja Luka nije dostavio ponudu na način kako je propisano tenderskom dokumentacijom, te je kao takva nepravilna obzirom da nije u skladu sa tenderskom dokumentacijom.**

Usljed utvrđenog činjeničnog stanja, **ponuda ponuđača Krajinagroup d.o.o. Banja Luka**, odbačena je shodno članu 68. stav (1) i stav (4) tačka i), jer je ponuđač dostavio nepotpune dokaze, te ponuda ne ispunjava zahtjeve iz tenderske dokumentacije.

Ponuda ponuđača **DENTAL GRUPA D.O.O. SARAJEVO**, ocijenjena je kao neprihvatljiva iz sljedećih razloga:

U Tenderskoj dokumentaciji br. 01-2.12-157/24 od 25.01.2024. godine i br.01-2.12-307/24 od 31.01.2024. godine u tački 12.ZAKLJUČIVANJE OKVIRNOG SPORAZUMA i tački 13.ZAKLJUČIVANJE POJEDINAČNIH UGOVORA U OKVIRNOM SPORAZUMU, između ostalog propisano je:

“Sastavni dio ove tenderske dokumentacije je Nacrt okvirnog sporazuma, u koji su uneseni svi elementi iz tenderske dokumentacije. Ponuđači su dužni uz ponudu dostaviti Nacrt okvirnog sporazuma u koji su unijeli podatke iz svoje ponude, te iste potpisati, za svaki lot na koji se prijavljuju.”

“Sastavni dio ove tenderske dokumentacije je Nacrt ugovora, u koji su uneseni elementi iz tenderske dokumentacije. Ponuđači su dužni uz ponudu dostaviti Nacrt ugovora u koji su unijeli podatke iz svoje ponude, te iste potpisati, za svaki lot na koji se prijavljuju.”

Uvidom u ponudu ponuđača **DENTAL GRUPA D.O.O. SARAJEVO** - koja je dostavljena 09.02.2024. godine u 09,25 u 08,11 sati i zaprimljena na protokol ugovornog organa pod brojem: 01-2.14-460/24 , utvrđeno je da ponuđač nacrt okvirnog sporazuma i nacrt ugovora o nabavci nije popunio na način kako je to propisano tenderskom dokumentacijom.

Naime, uvidom u nacrt okvirnog sporazuma koji je dostavljen u ponudi za LOT 1 , utvrđeno je da je ponuđač u uvodu popunio podatke o ponuđaču, te potpisao i stavio pečat na okvirni sporazum (20-24 stranica ponude) bez popunavanja podataka iz svoje ponude kako je to traženo tačkom 12.ZAKLJUČIVANJE OKVIRNOG SPORAZUMA tenderske dokumentacije.

Dalje , uvidom u nacrt ugovora o nabavci koji je dostavljen u ponudi za LOT 1 , utvrđeno je da je ponuđač u uvodu popunio podatke o ponuđaču, broj i datum obavještenja o nabavci, te potpisao i stavio pečat na nacrt ugovora o nabavci (25-28 stranica ponude) bez popunavanja podataka iz svoje ponude kako je to traženo tačkom 12. ZAKLJUČIVANJE POJEDINAČNIH UGOVORA U OKVIRNOM SPORAZUMU tenderske dokumentacije.

Također, u tački 13.ZAKLJUČIVANJE POJEDINAČNIH UGOVORA U OKVIRNOM SPORAZUMU tenderske dokumentacije, propisano je da je sastavni dio tenderske dokumentacije Nacrt ugovora, u koji su uneseni elementi iz tenderske dokumentacije, te da su ponuđači dužni uz ponudu dostaviti Nacrt ugovora u koji su unijeli podatke iz svoje ponude, te iste potpisati, za svaki lot na koji se prijavljuju.

U samom obrascu Nacrta okvirnog sporazuma, koji je prilog Tenderske dokumentacije (prilog XVI - Nacrt okvirnog sporazuma), u članu 2., ispod tebele, istaknuta je napomena koja glasi:

“Napomena: Za svaki lot ponuđač popunjava tabelu za onoliko stavki koliko je predviđeno tim lotom, a ostale stavke u tabeli precrtava.”

U obrascu Nacrta Ugovora o nabavci, koji je prilog Tenderske dokumentacije (prilog XVII -Nacrt Ugovora o nabavci), u članu 5., ispod tebele, istaknuta je napomena koja glasi:

“Napomena: U svakom pojedinačnom ugovoru ugovorit će se količina robe za isporuku.

Za svaki lot ponuđač popunjava tabelu za onoliko stavki koliko je predviđeno tim lotom, a ostale stavke u tabeli precrtava.”

Nasuprot odredbama Tenderske dokumentacije, propisanim u tački 12.ZAKLJUČIVANJE OKVIRNOG SPORAZUMA, tački 13.ZAKLJUČIVANJE POJEDINAČNIH UGOVORA U OKVIRNOM SPORAZUMU, te napomenama iz člana 2.

Nacrta okvirnog sporazuma i člana 5. Ugovora o nabavci, ponuđač nije popunio tražene tabele i nije unio sve podatke iz svoje ponude.

Nakon detaljnog uvida u sadržaj dostavljenog nacrta okvirnog sporazuma i nacrta ugovora o nabavci koje je ponuđač dostavio na osnovu tačke 12. **ZAKLJUČIVANJE OKVIRNOG SPORAZUMA** i tačke 13. **ZAKLJUČIVANJE POJEDINAČNIH UGOVORA U OKVIRNOM SPORAZUMU**, utvrđeno je da nacrt okvirnog sporazuma i nacrt ugovora o nabavci **nisu dostavljeni na način kako je to traženo tenderskom dokumentacijom.**

Obzirom da je u Tenderskoj dokumentaciji br. **01-2.12-157/24 od 25.01.2024. godine i br.01-2.12-307/24 od 31.01.2024. godine**, u tački 4. PRIPREMA PONUDA, naznačeno da se pri pripremi ponude ponuđač mora pridržavati zahtjeva i uslova iz tenderske dokumentacije, ugovorni organ dužan je odbaciti ponudu, shodno članu 68. stav 4. tačka i) Zakona o javnim nabavkama, jer ponuda ponuđača **Dental grupa d.o.o. Sarajevo** ne ispunjava zahtjeve iz tenderske dokumentacije.

Imajući u vidu izneseno, komisija je utvrdila da **ponuđač Dental grupa d.o.o. Sarajevo nije dostavio ponudu na način kako je propisano tenderskom dokumentacijom, te je kao takva nepravilna, obzirom da nije u skladu sa tenderskom dokumentacijom.**

Usljed utvrđenog činjeničnog stanja, **ponuda ponuđača Dental grupa d.o.o. Sarajevo odbačena je shodno članu 68. stav (4) tačka i), jer ponuda ne ispunjava zahtjeve iz tenderske dokumentacije.**

Kako su obje dostavljene ponude u ovom postupku nabavke neprihvatljive, Komisija za javne nabavke predložila je da se poništi postupak javne nabavke materijala za stomatologiju – LOT 1 - Materijali za zubne ispune, za JU «Dom zdravlja» Zavidovići za 12 mjeseci, u skladu sa članom 69. stav (2) tačka d) Zakona o javnim nabavkama, obzirom da nijedna od primljenih ponuda nije prihvatljiv.

Obzirom na naprijed utvrđeno činjenično stanje odlučeno je kao u dispozitivu Odluke.

PRAVNA POUKA: Protiv ove odluke može se izjaviti žalba u roku od 5 dana od dana prijema ove odluke.

Žalba se izjavljuje Uredu za razmatranje žalbu putem ugovornog organa u pisanoj formi direktno, elektronskim putem ako je elektronsko sredstvo definisano kao način komunikacije u tenderskoj dokumentaciji ili preporučenom poštanskom pošiljkom u najmanje tri primjerka.

DOSTAVLJENO:

1. Krajinagroup d.o.o. Banja Luka
2. Dental Grupa d.o.o. Sarajevo
3. a/a.



**PREDSJEDNIK
UPRavnog ODBORA:**
Elvir, dipl. pravnik